



## **Recumandaziuns concernent l'instrucziun da nudar e concernent l'assistenza tar occurrenzas da far bogn tras personas d'instrucziun da la scolina e da la scola populara**

dal departament d'educaziun, cultura e protecziun da l'ambient dals 11 d'avrigl 2011

1. L'obligaziun da surveglianza durant l'instrucziun da nudar e durant occurrenzas da far bogn duai sa drizzar tenor la situaziun en il cas singul. Decisivs èn facturs sco per exempel la vegliadetgna, il dumber, la capaciad e la disciplina dals uffants da scola sco er il potenzial concret da privel.
2. A la scola populara duai l'instrucziun da nudar vegnir dada mo da personas d'instrucziun u da personas expertas per nudar che han – ultra d'ina scolaziun metodica-didactica – in brevet "plus pool" da la societad svizra da salvament (SSS).
3. Dapi il schaner 2011 ha la SSS midà la structura da la scolaziun. Il brevet 1 vala vinavant e vegn transferì tar la frequentaziun dal proxim curs da repetiziun en la structura nova.
4. La scolaziun da nudar sto vegnir renovada mintga quatter onns, quai cun frequentar in curs da repetiziun (CR) u in modul da perfecziunament. Las suandantas furnaziuns supplementaras vegnan recumandadas:
  - CR "pool" da la SSS
  - modul da perfecziunament da [swimsports.ch](http://swimsports.ch)
  - G+S scolaziun da basa u furnaziun supplementara da nudar
5. En cas che personas d'instrucziun n'adempleschan betg l'obligaziun da far mintga quatter onns ina furnaziun supplementara, cusseglia il departament d'educaziun, cultura e protecziun da l'ambient ch'ina persona experta per nudar u ina persona spezialisada dal bogn, che ademplescha l'obligaziun correspundenta da scolaziun e da furnaziun supplementara tenor las cifras 2 e 3 saja preschenta a l'instrucziun da nudar.  
Survegliadras e survegliaders da bogns publics dastgan vegnir engaschadas sco personas responsablas, sch'ellas pon s'occupar sulettamain da la classa/gruppa.
6. Per l'instrucziun da nudar vegni recumandà da furmar gruppas d'ina grondezza bain survevaivla (betg dapli che 12 uffants per gruppa). Durant l'instrucziun cun nunnudadras e nunnudaders sto la persona d'instrucziun vegnir sustegnida d'ina persona experta per nudar.